

<b>abailduta</b> 'lur jota, eroria'	« <b>Abailduta</b> zegoen, eta eskuan zuen zapiak negarrez aritua zela adierazten zuen.»	(132)
<b>abistu</b> 'airea jaurtikiz eginiko soinua'	«...bere belarriek zehazki bereizten zituzten etxeko zaratak eta enaren <b>abistuak</b> . Oinak, berriz, ia ez zion minik ematen.»	(82)
<b>adeitasunez</b> 'gizabidez, gizalegez'	«Begirune eta <b>adeitasunezko</b> hitzetan bilduta egon arren, bere ezetza erabatekoa izan zen.»	(11)
<b>adeitsu</b> 'errespetuzkoa, borondate	«Esku <b>adeitsu</b> batek katilu bat kafe zerbitzatu zion.»	(120)
<b>ageri (?)</b> 'argia, distira'	«Iluntasuna lurretik zeruraino igotzen zen, eta lehen izarrak <b>ageria</b> ematen hasiak ziren.»	(20)
<b>aginpidez esan</b> ' irmo, gogor esan'	«—Utzidak bukatzen —esan zion Aranburuk <b>aginpidez</b> .»	(52)
<b>ahalguztidun</b> 'botere handien jabe'	«Handi eta <b>ahalguztidun</b> sentitu nintzen...»	(128)
<b>ahapeka</b> 'ixilka-mixilka, ahots isilaz'	«Holakoxea duk —gehitu zuen <b>ahapeka</b> .»	(57)
<b>ahobero</b> 'berritsua, hitzontzia'	«...bere idealaren alde bizia emateko edo lagun hurkoa hiltzeko gertu zegoena, baina, aldi berean, disziplinarik gabea, <b>ahoberoa</b> , inozoa.»	(22)
<b>aieneka</b> 'kexuz, intzirika'	«Bordelai hori, berriz, beti <b>aieneka</b> zebilek Parisen utzi zuen emakume batengatik.»	(53)
<b>aldarte</b> 'umorea, jarrera'	«—Ados. Eraman nazazu. Ea bere <b>aldarte</b> hori biharko goxatzen zaion —erantzun zion sargentuak.»	(33)
<b>aldian behin</b> 'noizean behin, noizbehinka'	« <b>Aldian behin</b> , garondoan Barrezen eskua antzematen zuen. Burua altxatu eta zerbait ematen zion edatera, esnea edo.»	(81)
<b>amarru</b> 'trikimailua, engainua'	«"Laster konturatuko da <b>amarruaz</b> . Baina ordurako urrutiegi izango nau"..."»	(19)
<b>ardaila</b> 'arrabotsa, zaratotsa'	« <b>Ardaila</b> eta dantza oso gogoko ez bazituen ere, halako poz-ikara bat sentitu zuen Saldiasen.»	(92)
<b>arerio</b> 'etsaia'	«Handinahia eta harroa zen, baina ez zen <b>arerioarentzat</b> lanean ari.»	(88)
<b>argitxinta</b> 'argi izpia'	«Zumalakarregiren kolumnak lehen <b>argitxintarekin</b> atera eta bideari ekin zion Carandolet jeneralaren agintepeko tropa liberalen bila.»	(54)
<b>arian-arian</b> 'pittinka-pittinka, apurka-apurka'	«Berak ez zeukan <b>arian-arian</b> joatea beste erremedioirik.»	(14)
<b>arnas-purrusta bota</b> 'bafada, airea indarrez bota'	«Muino baten aldapan gora jotzen zuen bideak, eta zaldiak <b>arnas-purrusta</b> bat bota, kexati, eta buruari eragin zion...»	(13)
<b>arrenkuratsu</b> 'damuzkoa'	«...barrez hasi zen. Barre lehorra zen, <b>arrenkuratsua</b> .»	(77)
<b>arrotza</b> 'arraroa, estrainioa'	«Ezta ezer <b>arrotzik</b> aditzen ere, soilik bere zaldiaren ferra-hotsa lurra kolpatzean.»	(14)
<b>atxiki</b> 'harrapatu, oratu'	«Izuaren atzaparra bere giharreak <b>atxikitze</b> ko zorian zegoela sentitzen zuen, eta oldartu egiten zen posibilitate horren aurka...»	(18)
<b>atzimurkatu</b> 'txatxamarkatu, atzamarrekin	«Saldiasen zuztar bat <b>atzimurkatu</b> eta loretxo batzuk eramane zituen sudurrera.»	(97)
<b>aurrena</b> 'lehenengo, lehenbizi'	«Berehala, don Carlosen jarraitzaileak matxinatu egin ziren, <b>aurrena</b> Bilbon, hurrena Euskal Herri osoan...»	(12)
<b>auskalo</b> 'batek jakin, norik jakin'	«Toki baketsu eta lasaiaren itxura (...) —sukaldeetako kea tximietan gora <b>doi-doi</b> eta arimarik ez kaleetan... —baina <b>auskalo</b> .»	(13)



<b>auzi</b> 'arazoa, gaia'	«...oso aberatsa duk eta asko lagundu zioke gure <b>auziari</b> —erantzun zion Aranburuk mokote samar.»	(58)
<b>azitraia</b> 'landare mota'	«...ur hotzean edukitzen dizkiat, eta gero, ondo iragazi ondoren, kazola batean jarri urdaia, perrexil sorta bat, <b>azitraia</b> , gatza eta...»	(49)
<b>aztoratuta</b> 'kezkatuta, arduratuta'	«—Zertxobait <b>aztoratuta</b> ikusten zaitut, Alfonso. Horrenbesteko beldurra ematen al dizu ezkontzak?»	(62)
<b>aztoratuta</b> 'asaldatuta, kezkatuta'	«Sara naiz —esan zuen Saldiasak, apur bat <b>aztoratuta</b> .»	(38)
<b>barrenak izan</b> 'adorea, ausardia izan'	«Baina ez nuen nire asmoa azkeneraino eramateko <b>barrenik izan</b> .»	(147)
<b>begi larrikoa</b> 'begi ernekoa'	«Hogeita hamar bat urteko gizona zen, argala eta <b>begi larrikoa</b> .»	(57)
<b>begirale</b> 'zaintzailea, behatzailea'	«Nor ote zen zaldiz eta uniformerik gabe zihoan kankailu hura? <b>Begirale</b> bat? Bidea erakutsi behar zien nekazaria?»	(55)
<b>beheko sua</b> 'tximinia azpian egiten dena'	«Kriseiluak itzalita zeudenez, sakristiako argi bakarra <b>beheko suak</b> ematen zuena zen.»	(47)
<b>belarrimotz</b> 'irain hitza'	«—Kaixo, <b>belarrimotzak!</b> —erantzun zuen Don Ignaziok.»	(117)
<b>bermatu</b> 'finkatu, ziurtatu'	«Saldiasak ukalondoak mahaian <b>bermatu</b> eta aldamenetara begiratu zuen.»	(48)
<b>bidatxurra</b> 'bidezidorra, bidexka'	«...baina begibistakoa da hau ez dela zehazki bidea, <b>bidatxurra</b> baizik, nahiz primerakoa izan.»	(16)
<b>borborka</b> 'bizi-bizi, gal-gal'	«Festa hasia dago eta laster herri osoa <b>borborka</b> egongo da.»	(93)
<b>burduntzali</b> 'zalia, gizkeia'	«Ura eskatu, eta irrika biziz <b>burduntzalitik</b> edaten hasten zenero, azentu frantses arin batez...»	(74)
<b>burko</b> 'burukoa, almohada'	«Zergatik ez zuen <b>burkoaz</b> ito?»	(82)
<b>burrunbatu</b> 'durundatu, ozenki esan'	«—Ene gaxo <i>débutant!</i> — <b>burrunbatu</b> zuen begi larriak areago zabalduz.»	(68)
<b>burumotz</b> 'buruzagi gabe'	«...infiltratuak badaudela pentsatzeko, armada karlista <b>burumotz</b> utzi nahi duten infiltratuak, hain zuzen ere»	(76)
<b>dardarra</b> 'ikara, mugimendutxoa'	«...hantxe basoaren mintzoa, zuhaitzen <b>dardarra</b> eta hosto berdeen xuxurla; hantxe, halaber, txorien mintzo zorrotza...»	(17)
<b>deserosotasun</b> 'desegokitasuna'	«...baina halako ezinegon batek, susmoa baino areago <b>deserosotasuna</b> zen zerbaitek...»	(23)
<b>doi-doi</b> 'ozta-ozta, juxtu-juxtu'	«Toki baketsu eta lasaiaren itxura (...) —sukaldeetako kea tximietan gora <b>doi-doi</b> eta arimarik ez kaleetan...— baina auskalo.»	(13)
<b>egokitu</b> 'bat egin, gelditu'	«...baina beren balak oholesi edo hondar-zakuekin <b>egokitzen</b> ziren, eta ahaleginak huts egiten zuen.»	(105)
<b>egokitutakoa</b> 'suertatutakoa'	«Gizon arrunt bat, bizitzaren gorabeherengatik, leialtasunez, bide arriskutsu bat hartu beharrean <b>egokitutakoa</b> .»	(23)
<b>egoskor</b> 'egosgogor, terko, temati'	«Nik askotan esan nion ez etortzeko, baina <b>egoskor</b> jarri zen.»	(68)
<b>enara</b> 'elaia, txori mota'	«...bere belarriek zehazki bereizten zituzten etxekeo zaratak eta <b>enaren</b> abistua. Oinak, berriz, ia ez zion minik ematen.»	(82)
<b>enbarazu egin</b> 'estorbu egin, traba egin'	«Osaba Tomasek ez zuen gogoko inork bere zelatariei <b>enbarazu egitea</b> .»	(33)



<b>erauzi</b> 'atera, arrankatu'	«Saldiassek ideia hura burutik <b>erauzi</b> eta alde egin zuen berehala.»	(138)
<b>erdeinu</b> 'gorrotoa, ezinikusia'	«...esan zuen Saldiassek, <b>erdeinu</b> ikutu batez.»	(58)
<b>erdiragarri</b> 'urragarria, minezkoa'	«Noizbehinka, garrasi <b>erdiragarri</b> bat jarraitzen zitzaion jauziari.»	(84)
<b>ergel</b> 'inozoa, tentela'	«Zer zen gizon hura? <b>Ergela</b> , hasieran pentsatu zuen bezala? Ala ondo trebatutako zelataria?»	(93)
<b>ernai</b> 'adi-adi, kontzentraturik'	«...Martin Saldias lasaitu egin zen zertxobait, ahots hark guztiz <b>ernai</b> zegoen gizon batena ematen baitzuen.»	(15)
<b>eroria</b> 'etsita, goibel'	«—Ea piska bat animatzen haizen. Oso <b>eroria</b> ikusten haut.»	(50)
<b>errainu</b> 'distira, argi izpia'	«Adarra zapaldu zuen <b>errainu</b> hura beregana oldartzen ikusi zuen, sastakai bat eskuan.»	(25)
<b>errauts</b> 'hausterrea, hautsa'	«...esan zuen Aranburuk, suaren gainera <b>errautsa</b> bota eta hurrengo egunerako bilduta utziz.»	(51)
<b>errenditu</b> 'lerratu, pasatu'	«Otorduan, hiru gizonen arteko elkarrizketa gerrako gorabeheretara <b>errenditu</b> zen.»	
<b>esne-mami</b> 'bikainena, preziatuena'	«...pribilegioa zuten bakar haietakoak, armada karlistaren <b>esne-mami</b> zen Gidari Konpainiakoak.»	(38)
<b>estropozu egin</b> 'tupustu egin'	«...bideari adi tarteka aurkitzen zituzten sustrai eta harkaitzekin <b>estropozu</b> ez egitearren.»	(125)
<b>etsigarri</b> 'penagarria, txarra gertatu'	«...bere lehen hartu-eman zuzena armada karlistarekin, benetako soldaduekin, <b>etsigarria</b> zitzaion.»	(50)
<b>ezbai</b> 'zalantza, duda'	«...jende ausarta, <b>ezbairik</b> gabe, bere idealaren alde bizia emateko edo lagun hurkoa hiltzeko gertu zegoena...»	(22)
<b>ezbaian egon</b> 'zalantzatan egon'	«Agindua eman nienean, soldaduak <b>ezbaian egon</b> ziren piska batez...»	(129)
<b>ezinegona</b> 'urduritasuna, egonezintasuna'	«Bat-batean galdera batek gurutzatu zion burua: zergatik halako <b>ezinegona</b> ? Zergatik hegaldatzen ziren...»	(14)
<b>ezjakin egin</b> 'ezjakinarena egin, kokoloarena'	« <b>Ezjakin</b> egiten zuen bere burua, inuxente eta hitzontzi, eta halaxe moldatzen zen.»	(15)
<b>ezkaratz</b> 'atari gela'	«...oso gutxi ziren atariko farolak gauaren iluntasunari osten zizkion gauzak: <b>ezkaratz</b> eta ate handiaz gain (...) landareak bakarrik...»	(37)
<b>ezproin</b> 'zaldia ziztatzeko orpo-burdina'	«Zaldia <b>ezproiaz</b> zulatu eta muinoan behera abiatu zen, basoa osterako terrenoaz nagusitzen zen alderantz.»	(13)
<b>ferra</b> 'herradura'	«Ezta ezer arrotzik aditzen ere, soilik bere zaldiaren <b>ferra</b> -hotsa lurra kolpatzean.»	(14)
<b>fidagaitz</b> 'susmakorra, mesfidatia'	«Oso gizon <b>fidagaitza</b> duk.»	(35)
<b>fitsik</b> 'ezertxo ere'	«Tarte batean, ez zuen <b>fitsik</b> esan. Gero, paperak tolestu eta, begirik altxatu gabe, galdetu zuen...»	(18)
<b>florete</b> 'ezpata mota bat'	«Loreekin batera, Lacosten <b>floreteetako</b> bat zegoen haren gainean pausatzen...»	(138)
<b>galera</b> 'hondamendia, porrota'	«Liberalek ez dute puska batean San Faustoko <b>galera</b> ahaztuko.»	(75)
<b>gar</b> 'suaren lama, sugarra'	«Saldiassek kriseiluaren <b>garrean</b> pausatu zuen begirada.»	(145)



<b>garondo</b> 'buruaren atzeko aldea,	«Aldian behin, <b>garondoan</b> Barrezen eskua antzematen zuen. Burua altxatu eta zerbait ematen zion edatera, esnea edo.»	(81)
<b>gertu egon</b> 'prest egon'	«...jende ausarta, ezbairik gabe, bere idealaren alde bizia emateko edo lagun hurkoa hiltzeko <b>gertu</b> zegoena...»	(22)
<b>gibeleratu</b> 'atzera egin, atzeratu'	«...gizonetako bat harresia inguratzen duen zangara erori eta garrasi egin zuenean, denak <b>gibeleratzen</b> hasi ziren.»	(126)
<b>gizonilo</b> 'umemokoa'	«Arazoa da Aranburuk gizonilo bat bezala erabiltzen zuela...»	(145)
<b>gogaikarri</b> 'aspergarria'	«Baina geldirik egote hau <b>gogaikarria</b> da zinez.»	(63)
<b>goibeldura</b> 'argitasun gutxikoa'	«Nahiz eta, ilargiari esker, iluntasuna <b>goibeldura</b> baino ez izan, oso gutxi ziren atariko farolak gauaren iluntasunari osten zizkion gauzak...»	(36)
<b>gupida</b> 'errukia'	«— <b>Gupida</b> ez dago lehian borrokarekin, jauna!»	(93)
<b>handinahi</b> 'hantustea, harroputza'	« <b>Handinahia</b> eta harroa zen, baina ez zen arerioarentzat lanean ari.»	(88)
<b>hasperen egin</b> 'suspiriatu'	«Martin Saldiasak <b>hasperen egin</b> zuen.»	(14)
<b>hasten zenero</b> 'hasten zen bakoitzean'	«Ura eskatu, eta irrika biziz burduntzalitik edaten <b>hasten zenero</b> , azentu frantses arin batez...»	(74)
<b>hazpegi</b> 'aurpegikera'	«Saldiasen begiak iluntasunera ohituta zeuden ordurako, eta nahiko garbi bereiz zitzakeen Zumalakarregi jeneralaren <b>hazpegiak</b> .»	(43)
<b>herdoil</b> 'ugerra, oxidoa'	«—Osaba Tomasek hanketako <b>herdoila</b> kendu nahi ziguk.»	(54)
<b>hertsi-hertsi begira</b> 'adi-adi geratu, finko'	«Lacost <b>hertsi-hertsi</b> begira geratu zitzaion.»	(142)
<b>hinki-hankarik gabe</b> 'itzulingururik gabe'	«Salatu egin zutela jakin zezan, Saraz galdetu nion <b>hinki-hankarik</b> gabe.»	(27)
<b>hitz-beste egin</b> 'hizketagaia aldatu'	«Non dago jeneralaren zaldia? —galdetu zuen jarraian. <b>Hitz-beste egin</b> nahi zuen.»	(139)
<b>hitzontzi</b> 'berbalapikoa, asko hitzegiten	«Ezjakin egiten zuen bere burua, inuxente eta <b>hitzontzi</b> , eta halaxe moldatzen zen.»	(15)
<b>hobi</b> 'zuloa, lurrean egina'	«...batailan hildako boluntario gehienak <b>hobi</b> orokorretan ehorzten zituzten.»	
<b>hostotza</b> 'hosto piloa'	«Ilargiaren argiak nekez zeharkatzen zuen basoaren <b>hostotza</b> eta oso ahulduta iristen zen errekarra.»	(22)
<b>hunkibera</b> 'sentibera'	«Saldias ez zen gizon <b>hunkibera</b> . Aitzitik, bere akats nagusia (...) beste muturretik zetorkion, bere zomorrokeriatik...»	(39)
<b>hutsal</b> 'garrantzi gabekoa'	«...karlisten koartel nagusira heltzen ziren mezuak albiste <b>hutsalez</b> zipristinduak egoten ziren, oso laburrak izateaz gain.»	(41)
<b>imintzioka</b> 'keinuka'	«Martin Saldiasak <b>imintzioka</b> eta zaldiaren burutzarraren gainetik tentetuz egiten zuen oihu.»	(18)
<b>inozo hutsa</b> 'inuzente-inuzentea'	«Lehengoan esan nizun bezala, Carrasco sargentua <b>inozo hutsa</b> da. Gizon ona baina inozo hutsa.»	(87)
<b>iragazi</b> 'filtratu'	«—Aurrena babak zuritu eta ur hotzean edukitzen dizkiat, eta gero, ondo <b>iragazi</b> ondoren, kazola batean jarri urdaia, perrexil sorta bat...»	(49)
<b>irasagar</b> 'menbriloa'	«Aparta dago —gaineratu zuen, jantokian ari ziren andreetako batek zerbitzaturiko <b>irasagar</b> <i>ratafia</i> -ri txurrut eginez.»	(101)



<b>irri-karkaila</b> 'algara'	«...gaineratu zien jarraian ardoaren aipamena aditu eta <b>irri-karkailaz</b> ari ziren bi soldaduei.»	(17)
<b>iseka</b> 'trufa, burla, ihakina'	«Altoa emateko azken unera arte itxarotea harrokeria iruditzen zitzaion, <b>iseka</b> .»	(38)
<b>isildeia</b> 'ixiltasunean egoteko agindua'	«...Zumalakarregik bera etortzekoa zela jakin eta (...) <b>isildeia</b> jo zezatela agindu zuela...»	(37)
<b>isolatu</b> 'aparte utzi'	«Agureak, amuarrain batzuk erreka ertzeko putzu txiki batean <b>isolatzea</b> lortu zuelarik...»	(60)
<b>isuri</b> 'aldea, jarioa'	«Harrizko etxea zen, lau <b>isuriko</b> teilatuarekin.»	(35)
<b>itzuri egin</b> 'ixkin egin'	«...uztailaren 14an abiatu zen Bilbotik tropa liberalen kontrolei <b>itzuri eginez</b> ...»	(12)
<b>izkin egitea</b> 'itzuri egitea, saihestea'	«...nekazariak bazekien haiekin joatea denbora irabaztea zela, heriotza atzeratzea, <b>izkin egitea</b> ere bai, zorte piska batez.»	(57)
<b>jaulki</b> 'bota, atera'	«Bere onetik aterata, makakorro moduko bat <b>jaulkiz</b> , mahaiaren gainetik salto egin eta kalerantz jo zuen korrika.»	(120)
<b>jaurti</b> 'bota'	«... <b>jaurti</b> zuen Merinok aulkiaren bizkarraz bereizi eta teink jarriz—»	(77)
<b>jauzi</b> 'saltoa'	«Noizbehinka, garrasi erdiragarri bat jarraitzen zitzaion <b>jauziari</b> .»	(84)
<b>jendaila</b> 'jendilajea, jende txarra'	«Ez naiz <b>jendaila</b> horrengana inguratuko.»	(20)
<b>jostatu</b> 'jolastu'	«...Irurtzongo edo inguruko herrietako neskatilak, elkarren artean irrika eta beraien ardurapean utzitako umeekin <b>jostatuz</b> .»	(91)
<b>jukutria</b> 'maltzurkeria'	«Baina, arian-arian, Aranbururen <b>jukutria</b> onuragarria gertatu zaigu.»	(109)
<b>kankailu</b> 'gizaki handikotea eta baldarra'	«Nor ote zen zaldiz eta uniformerik gabe zihoan <b>kankailu</b> hura? Begirale bat? Bidea erakutsi behar zien nekazaria?»	(55)
<b>kaskezurra</b> 'garezurra'	«...Gidari konpainiako kideek, koartel emateko prest ez zeudenean, beren arropetan josi ohi zuten <b>kaskezurra</b> .»	(102)
<b>kinkan</b> 'egoera larrian, estualdian'	«Serio, kontzentraturik, maisu bat zirudien azterketa bat zuzentzeko <b>kinkan</b> .»	(144)
<b>koartel eman</b> 'tregoa'	«...Gidari konpainiako kideek, <b>koartel emateko</b> prest ez zeudenean, beren arropetan josi ohi zuten kaskezurra.»	(102)
<b>korroka</b> 'kroaka, igelak kantuka'	«Herriko etxeen gainean pausatutako isiltasuna igelek bakarrik narrasten zuten, esna eta <b>korroka</b> jarraitzen zuten eta.»	(51)
<b>kriseilu</b> 'oliozko argi lanpara'	«—Ez mahaiekin estropu egin —esan zion hurbilduz. <b>Kriseiluak</b> itzalita zeudenez, sakristiako argi bakarra beheko suak ematen zuen zen»	(47)
<b>kuzkurtu</b> 'uzkurtu, makurtu'	«Carandoleten kolumna ez zetorren uste ordurako eta karlistak mutu eta isil <b>kuzkurtu</b> ziren harkaitz artean.»	(65)
<b>lagun hurkoa</b> 'norbera ez dena, projimoa'	«...jende ausarta, ezbairik gabe, bere idealaren alde bizia emateko edo <b>lagun hurkoa</b> hiltzeko gertu zegoena...»	(22)
<b>laian</b> 'lurra lantzeko tresna, []	«"Etor hadi gurekin", zioten (...) eta <b>laian</b> edo segan harrapaturiko nekazariak bazekien haiekin joatea denbora irabaztea zela...»	(57)
<b>larderia</b> 'mehatxuzko tonua'	«...esan zuen tenienteak, lehengo <b>larderia</b> berberaz mintzatuz eta berari ametsetatik ateraraziz.»	(18)
<b>lasaitua</b> 'lasaitasuna'	«...esan zuen Martin Saldiasek, hartutako <b>lasaitua</b> disimulatuz.»	(19)




<b>lazgarri</b> 'ikaragarria, urragarria'	«...bigarreanean, berriz, ondoren etorri ziren gertaera <b>lazgarriak</b> , Gran Viako kondearen ihesa tartean.»	(115)
<b>leher jota</b> 'sats eginda, pot eginda, leher	«Saldias zutitu eta ate aldera abiatu zen. <b>Leher jota</b> sentitzen zen.»	(123)
<b>lehia</b> 'norgehiagoka'	«...kolore desberdineko txapelez jantzitako bi soldadu multzo elkartzen direnean, berehala hasten dela <b>lehia</b> ...»	(70)
<b>leialtasun</b> 'fideltasuna'	«Gizon arrunt bat, bizitzaren gorabeherengatik, <b>leialtasunez</b> , bide arriskutsu bat hartu beharrean egokitutakoa.»	(23)
<b>lerratu</b> 'batetik bestera mugitu'	«Gauza bera egin zuen aldi hartan ere: (...) bere pentsamenduak aske <b>lerra</b> zitezen utzi.»	(50)
<b>liskar</b> 'istilua'	«Umore onean ematen zuen, <b>liskarra</b> dibertigarria suertatu balitzaio bezala.»	(31)
<b>listarizko</b> 'hariz eginikoa'	«Aranburuk barre egin zuen, aldi berean Saldiasi <b>listarizko</b> aulki batean esertzeko adierazten ziola.»	(48)
<b>lohi</b> 'likiskeria'	«Eskaera hark mesprezuaren <b>lohia</b> zeraman.»	(11)
<b>makakorro</b> 'orroa'	«Bere onetik aterata, <b>makakorro</b> moduko bat jaulkiz, mahaiaren gainetik salto egin eta kalerantz jo zuen korrika.»	(119)
<b>makur</b> 'bihurria, gaiztoa'	«Haren irritxoia xomorro <b>makur</b> bat bezalaxe aieratu zen.»	(16)
<b>matxinatu</b> 'errebelatu'	«Berehala, don Carlosen jarraitzaileak <b>matxinatu</b> egin ziren, aurrena Bilbon, hurrena Euskal Herri osoan...»	(12)
<b>mikaztuta</b> 'mingartuta, zapore txarrekoa'	«...esan zuen bat-batean Merino tenienteak ahotsa <b>mikaztuta</b> ...»	(109)
<b>mindu</b> 'haserretu, kabreatu'	«Ez zaitetz nirekin <b>mindu</b> . Hemengo gizon-saila ez da handia...»	(32)
<b>mokote</b> 'zapuztia, modu desatseginean'	«...oso aberatsa duk eta asko lagundu zioke gure auziari —erantzun zion Aranburuk <b>mokote</b> samar.»	(58)
<b>muino</b> 'mendiska'	« <b>Muino</b> baten aldapan gora jotzen zuen bideak, eta zaldiak arnas-purrusta bat bota, kexati, eta buruari eragin zion...»	(13)
<b>muker begiratu</b> 'mesfidantzaz edo mesprezios'	« <b>Muker begiratzen</b> ziotela iruditzen zitzaion, ikerketa bat aurrera eramateko gai ez den ume koxkor bati bezala...»	(108)
<b>murru</b> 'harresia, horma'	«...parez pare <b>murru</b> txuri batekin egokitu zen arte.»	(137)
<b>muzin</b> 'inki-minki, gogo gabe'	«—Oso <b>muzin</b> ikusten haut...»	(59)
<b>muzin egin</b> 'uko egin, errefusatu'	«...inork ez zion gisa hartako gonbidapen bati <b>muzin egiten</b> .»	(116)
<b>narrastu</b> 'hondatu, estropeatu'	«Herriko etheen gainean pausatutako isiltasuna igelek bakarrik <b>narrasten</b> zuten, esna eta korroka jarraitzen zuten eta.»	(51)
<b>nekez</b> 'kostata'	«Ilargiaren argiak <b>nekez</b> zeharkatzen zuen basoaren hostotza eta oso ahulduta iristen zen errepara.»	(22)
<b>odoltzar egin</b> 'gaizki sentitu'	« <b>Odoltzar egiten</b> zuen gogoratze hutsaz.»	(35)
<b>oholesi</b> 'oholezko parapetoa edo hesia'	«...baina beren balak <b>oholesi</b> edo hondar-zakuekin egokitzen ziren, eta ahaleginak huts egiten zuen.»	(105)
<b>oldartu</b> 'gogo biziz joan'	«Zalaparta handia sortu zen jantokian, eta ofizial guztiak troparen bila <b>oldartu</b> ziren.»	(119)



<b>oldartu</b> 'errebelatu, matxinatu'	«Izuaeren atzaparra bere giharreak atxikitzeke zorian zegoela sentitzen zuen, eta <b>oldartu</b> egiten zen posibilitate horren aurka...»	(18)
<b>orpo</b> 'oinaren atzeko alde'	«Gero <b>orpoen</b> arabera jiratu eta gelatik atera zen.»	(94)
<b>ostera</b> 'berriro, berriz'	«Zaldia ezproiaz zulatu eta muinoan behera abiatu zen, basoa <b>ostera</b> terrenoaz nagusitzen zen alderantz.»	(13)
<b>osterantzean</b> 'bestela, ezpabere'	« <b>Osterantzean</b> , altoa eman zioten liberalen informazioa askoz zehatza- goa izango zatekeen.»	(22)
<b>ostu</b> 'lapurtu, ebasi'	«Nahiz eta, ilargiari esker, iluntasuna goibeldura baino ez izan, oso gutxi ziren atariko farolak gauaren iluntasunari <b>osten</b> zizkion gauzak...»	(36)
<b>pagotxa</b> 'zortea, abagunea, egokiera'	«Nire iritziz, <b>pagotxa</b> ederra da.»	(104)
<b>pairakor</b> 'sufritzen dakiena, jasankorra'	«...halako distira gabetasun bat zuen, <b>pairakor</b> eta goibel bihurtzen zuena, abesti bati lotzeko ezgai edo.»	(40)
<b>patu</b> 'zoria, adurra'	«Izarrez eta <b>patuaz</b> hitzegiten duten liburuak zeuzkak.»	(52)
<b>petralduta</b> 'petral jarrita, tematuta'	«Saldiasek <b>petralduta</b> erantzun zion...»	(31)
<b>piririka</b> 'zilipurdika'	«Denbora puska bat zeramatenean elkarri ekinean eta lurrean <b>pipirika</b> ...»	(29)
<b>pontean</b> 'bataiatzean'	«...persona batzuek bi izen izaten zituzten: alde batetik beraiena, <b>pontean</b> ezarri zitzaiena...»	(30)
<b>profitatu</b> 'aprobetxatu'	«Zenbaitetan, ilunpetan hariak mugituz eta nire sukaldari postuaren abantailak <b>profitatuz</b> , bestetaz baliatu naiz...»	(136)
<b>ratafia</b> 'pattarra, likorea'	«Aparta dago –gaineratu zuen, jantokian ari ziren andreetako batek zerbitzaturiko irasagar <b>ratafia</b> -ri txurrut eginez.»	(101)
<b>sabai</b> 'gelen goi alde'	«Berrero <b>sabai</b> aldera seinalatu eta lehen esandakoa errepikatu zuen...»	(82)
<b>salatari</b> 'salatzen duena'	«...gisa honetan harik eta <b>salatariak</b> , liberalek kanpamentuan zeukatzen zelatariak albistea jakin zuen arte.»	(23)
<b>sarraski</b> 'triskantza, masakrea'	«Kronikarien esanetan, San Faustoko bataila sekulako <b>sarraskia</b> izan zen.»	(66)
<b>sasi-lo</b> 'erdi lo'	«...baina ez zeukan egunsentira arte han, lurraren gainean, <b>sasi-lo</b> geratzerik.»	(24)
<b>sasiki</b> 'maltzurkeriaz, azpikeriaz'	«Kanpamentuan <b>sasiki</b> sartutako zelataria bera ote?»	(54)
<b>sastakai</b> 'puinalea'	«Adarra zapaldu zuen errainu hura beregana oldartzen ikusi zuen, <b>sastakai</b> bat eskuan.»	(25)
<b>segan</b> 'belarra ebakitzen, kodainaz'	«"Etor hadi gurekin", zioten (...) eta laian edo <b>segan</b> harrapaturiko nekazariak bazekien haiekin joatea denbora irabaztea zela...»	(57)
<b>sigi-sagatsua</b> 'zeharka-meharka'	«Zaldiaren gainetik, boluntarioek beren txapelekin osatzen zuten lerro gorri, <b>sigi-sagatsua</b> ikusten zuen Martin Saldiasek...»	(55)
<b>sinesgaiztasunez hartu</b> 'faltsutzat jo, mesfidati hartu'	«...dama aristokrata batekin hitzemanda zegoelako berria zabaldu zenean, asko izan ziren berria <b>sinesgaiztasunez</b> hartu zutenak.»	(62)
<b>sobera</b> 'larregi, asko'	«...hala eta guztiz ez zuten <b>sobera</b> hitzegin eta (...) hurrengo batean luzeago eta hobeto hitzegitekotan geratu ziren.»	(33)
<b>sor</b> 'astuna'	«Amorratio <b>sor</b> eta sakona sentitzen zuen gertatutakoagatik...»	(127)



<b>sukartuta</b> 'sukarraz, kalenturaz'	«Aldika –zaurituta zegoelarik, <b>sukartuta</b> , Bilbotik eta Arenal Kafeko bere lagunartetik urrun...»	(73)
<b>suminkor</b> 'haserrekor'	«Gerra garaian, mundu guztia <b>suminkor</b> bihurtzen zen»	(32)
<b>susmo</b> 'errezeloa'	«...baina halako ezinegon batek, <b>susmoa</b> baino areago deserosotasuna zen zerbaitek...»	(23)
<b>talaia</b> 'begiralekua, toki altua'	«Denak <b>talaian</b> zeuden Zumalakarregi haitz-gain batean, punturik nabarmenenean, noiz azalduko.»	(65)
<b>teink jarri</b> 'zuzendu'	«...jaurti zuen Merinok aulkiaren bizkarraz bereizi eta <b>teink jarri</b> —.»	(77)
<b>tolestu</b> 'plisatu, doblatu'	«Tarte batean, ez zuen fitsik esan. Gero, paperak <b>tolestu</b> eta, begirik altxatu gabe, galdetu zuen...»	(18)
<b>total egin</b> 'ahomoteldu, isilunea'	«Merino tenienteak piska bat <b>total egin</b> zuen erantzun baino lehen.»	(123)
<b>trufaz</b> 'txantxatan, burlaz'	«Irriz eta <b>trufaz</b> , Margarita de Mendoza eta bere lagunek heriotzara eramana zuten adolezente hura.»	(120)
<b>tupustean</b> 'ustekabean, ezustean'	«Bat-batean, zaldia gelditu egin zen <b>tupustean</b> , eta Martin Saldiasak lepotik heldu behar izan zion ez erortzearren.»	(21)
<b>txapaka egin</b> 'adiskidetasunezko kolpetxoak'	«—Ondo lo egin, <i>débutant!</i> —esan zion Lacostek Saldiasi pasiluan gelditu eta besoan <b>txapaka egin</b> ez.»	(141)
<b>txepel</b> 'beldurtia, kakaia'	«"Txepelen gogo beroaz, esan nahiko duzu", erantzun zuen alargunak...»	(56)
<b>umegorri</b> 'ume mokoia, gaztetxoak'	«Okerrena da axeri hori berearekin atera dela ia beti, <b>umegorri</b> bati baino errazago sartu zidala ziria.»	(89)
<b>usnaka</b> 'usainka'	«Saldiasak ez zuen ezer esan eta lapiko artean <b>usnaka</b> hasi zen. Gose zen berriro ere.»	(100)
<b>uzkurtu</b> 'kikildu, beldurtu'	«...bere gogoz kontra, jauregiaren inguruan arnasten zen giroak <b>uzkurtu</b> egiten zuen.»	(39)
<b>xerratan zatitu</b> 'xafla meheak egin'	«...hogeita lau ordutan ontzen eduki nian olioia, gatz xehea, <b>xerratan zatitu</b> tako tipula eta perrexilarekin.»	(100)
<b>xomorro</b> 'intsektua'	«Haren irritxoa <b>xomorro</b> makur bat bezalaxe aireratu zen.»	(16)
<b>xume jantzita</b> 'arropa arruntekin'	«Oso <b>xume</b> zegoen <b>jantzita</b> , alkandora txuri eta praka gris batzuekin.»	(103)
<b>xuxurla</b> 'susmurra, ahots ixila'	«...hantxe basoaren mintzoa, zuhaitzen dardarra eta hosto berdeen <b>xuxurla</b> ; hantxe, halaber, txorien mintzo zorrotza...»	(17)
<b>xuxurlari</b> 'ahapeka egiten dena'	«Isilune bat egon zen aurrena. Gero, ahots <b>xuxurlari</b> batzuk.»	(24)
<b>zalaparta</b> 'nahaste zaratzua, abarrotsa'	« <b>Zalaparta</b> handia sortu zen jantokian, eta ofizial guztiak troparen bila oldartu ziren.»	(119)
<b>zanga</b> 'erretena, ubidea, kuneta'	«...gizonetako bat harrisia inguratzen duen <b>zangara</b> erori eta garrasi egin zuenean, denak gibeleratzen hasi ziren.»	(126)
<b>zela</b> 'zaldien gaineko jezarlekua'	«Martin Saldias egonezinez mugitu zen bere <b>zela</b> gainean.»	(16)
<b>zelatari</b> 'zelatatzen duena'	« <b>Zelatari</b> zen, eta etsaiez josita ez zegoen edozein toki bere etxe bihurtzen zen berehala.»	(13)
<b>zenduta</b> 'hilda'	«Hura <b>zenduta</b> , Bizkaiko karlistek beren nagusietako bat galdua zuten.»	(41)



<b>zentzatu</b> 'zentzudun bihurtu, serioitu'	«—Lacost ez da inoiz <b>zentzatuko</b> –komentatu zuen Merinok.»	(108)
<b>zinez</b> 'egiaz, benetan'	«...zelatari horrek Sara zuela izena, baina ez zekiten izen hori –Martin Saldiasen amarena, <b>zinez</b> –, gizonezko bati zegokiola.»	(19)
<b>ziria sartu</b> 'engainatu, iruzur egin'	«Okerrena da axeri hori berearekin atera dela ia beti, umegorri bati baino errazago <b>sartu</b> zidala <b>ziria</b> .»	(89)
<b>zokoratuta</b> 'inguratuta, arriskuan'	«Bere burua <b>zokoratuta</b> ikusten bazuen, zaldia zen bere ihesbide bakarra.»	(18)
<b>zomorrokera</b> 'izaera desatsegina'	«...ez zen gizon hunkibera. Aitzitik, bere akats nagusia (...) beste muturretik zetorkion, bere <b>zomorrokeriatik</b> , are bere hoztasunetik...»	(39)
<b>zozolotuta</b> 'lelotuta, tentelduta'	«Honek sastakaia altxata jarraitzen zuen, zer egin ez zekiela, ustekabeak <b>zozolotuta</b> utzi balu bezala.»	(30)
<b>zuhamuxka</b> 'zuhaixka, zuhaitz gisakoak'	«Ez zuen ezer apartekorik ikusten zuhamuxka eta zuhaitzen berde ilunaren artean.»	(14)
<b>zuztar</b> 'sustraia, zaina'	«Saldiasek <b>zuztar</b> bat atzimurkatu eta loretxo batzuk eraman zituen sudurrera.»	(97)